



16. december 2012

Inatsisartut suleriaasianni § 37 naapertorlugu Naalackersuisunut apeqquiti imaattut matumuuna saqqummiuppakka:

Naalackersuisunut apeqquiti:

Inissialiornerni assigiinngitsuni sanasut sulianik ingerlatsisut sannarlutaasinnaasut, kukkussutaasinnaasullu allat pillugit qanoq annertutigisumik, qanorlu sivisutigisumik atuuttumik qularnaveeqqusiisarpap? (Garanti)

Ukiuni kingullerni tallimani inissialiornerni assigiinngitsuni sannarlutaasinnaasunut kukkussutaasinnaasunullu allanut qularnaveeqqusiinerit atorlugit iluarsartuussinerit qanoq amerlatigisut, qanorlu annertutigisut ingerlanneqarsimappat?

Inissianut, allanullu illunut pisortat pigisaannut nutartertariaqalersimasunut nutarterinerni, iluarsaassinerni sanasut sulianik ingerlatsisut sannarlutaasinnaasut, kukkussutaasinnaasullu allat pillugit qanoq annertutigisumik, qanorlu sivisutigisumik atuuttumik aamma qularnaveeqqusiisarnissaat piumasaqaataava?
(Inatsisartuni ilaasortaq Karl Lyberth, Siumut)

Tunngavilersuutit:

Ukiopassuannugulersuni inissiat allallu illut sannarlutaasimaneri pissutaalluni ajornartorsiutit assigiinngitsut, soorlu oqummut tunngasut, tusartuarpagut. Sannarlussimanerit kingunerisaanik iluarsartuussinerit annertuut akisoqisullu ingerlanneqartarsimapput, sulilumi ingerlanneqarlutik. Pissutsit tamakku inuiaqatigiinnut, minnerunngitsumillu inissiani najugaqartunut ajornartorsiutaapput annertuut aningaasarpassuarnillu naleqartut. Inissiani najugaqartut angerlarsimaffimmini pissutsinut ajortunut pisuussuseqanngilluinnartut iluarsartuussinernut akiliisussanngortinneqartarneri pissusissamisunngilluinnartutut isigigakku, kukkussuteqarsimasullu akiliisinneqarpata pissusissamisoortutut isigigakku, apeqquiti qulaani saqqummiussakka neriuppunga erseqqissumik akineqarumaartut.

Paasitinneqartarnera malillugu inissiani nutartertariaqalersuni nutarterinerit, iluarsaassinernit amerlasuut aamma kukkusumik suliarineqartarsimaneri pisuulluni piffissaq sivikitsuinnaq qaangiuttoq aallaqqaataanit suliarineqaqqittariaqartarsimapput. Taamaattumik inissianik nutarterinerni, iluarsaassinerni sanasut suliarinnittut qularnaveeqqusiisuteqartarnissaat piumasaqaataanersoq paaserusunnarpoq.

Kissaatigaara apeqquiteqaatikka ullut suliffiusut qulit iluanni akineqareersimanissaat.